



Ål kommune

Retningslinjer for kulturtilskot

Vedteke i Formannskapet

21.02.11, sak 18/11

**Administrativ revidering etter oppstart SUKO,
oktober 2011**

**Administrativ revidering etter K-sak 32/13 Grendehus i Ål,
Hausten 2013**

Vedtatt i SUKO sak 65/2023 i møte den 26.09.2023

Vedtatt i SUKO sak 67/2025 i møte den 04.11.2025



Innhold

1. TILSKOTSORDNINGAR	3
1.1 TILSKOT TIL DRIFT OG AKTIVITETAR I ORGANISASJONANE (ÅRLEGE KULTURILSKOT)	3
1.2 TILSKOT TIL GRENDEHUS	4
1.3 TILSKOT TIL KULTURARRANGEMENT OG PROSJEKT	4
1.4 ARRANGEMENTSFOND	4
1.5 TILSKOT TIL RUSFØREBYGGJANDE TILTAK	5
1.6 STIPEND TIL UNGDOM	5
1.7 KULTURPRIS	6
2 MISBRUK	6
3 KLAGEADGANG	6
4 VEDLEGG	7

1. TILSKOTSORDNINGAR

Organisasjonar, institusjonar og personar i Ål kommune kan få tilskot til kulturarbeid. Det same kan gjevast til regionale organisasjonar som har medlemmer i Ål. Tilskot er avhengig av at det til ei kvar tid er løyvd midlar til ordninga. Tilskot blir gjeve innanfor ramma av vedteke budsjett.

Det blir til vanleg ikkje gjeve tilskot til lands- og fylkesorganisasjonar.

Organisasjonar som primært har som oppgåve å ta vare på medlemene sine yrkes- og eller økonomiske interesser og organisasjonar som ikkje er opne for alle, kan ikkje rekne med å få tilskot.

Reint kommersielle tiltak har til vanleg ikkje rett på tilskot.

1.1 Tilskot til drift og aktivitetar i organisasjonane (Årlege kulturtilskot)

Tilskotet er samansett av fylgjande stønadsformer:

1. Driftstilskot basert på aktivitetar. Dette kan gjevast til alle organisasjonar som driv opne, faste, planlagde og kostnadsrekna aktivitetar heilårs- eller sesongbasert). Lag og organisasjonar som skipar til aktivitet for og med born og unge vert prioritert. Einskildarrangement må søkje om midlar frå arrangementsfondet.
2. Vedlikehalds- og driftstilskot til idrettsanlegg og grendehus.

Ål kommune har ingen faste satsar for slike tilskot.

Kommunen vurderer organisasjonen sin storleik, alderssamansetjing og kostnaden for aktiviteten.

- Elektronisk søknadsskjema på nettsida til kommunen
- Søknadsfrist: 15. desember.
- Ål idrettsråd og Ål musikkråd gjev tilråding om fordeling av kulturtilskot til idrettsorganisasjonar og song- og musikklag. Sektorutval for kultur og oppvekst avgjer dei årlege tildelingane.

1.2 Tilskot til grendehus

Det vert gjeve tilskot til vedlikehald av forsamlingshus som har høg aktivitet. Søknaden skal innehalde prosjektskildring, kostnadsoverslag og finansieringsplan.

- Elektronisk søknadsskjema på nettsida til kommunen.
- Søknadsfrist: 15. desember
 - Sektorutval for kultur og oppvekst avgjer dei årlege tildelingane og står fritt til å vurdere aktivitetsnivå opp mot vedlikehaldsbehov. Sektorutval for Kultur og Oppvekst kan lage ei prioriteringsliste basert på innmeldte behov.

1.3 Tilskot til kulturarrangement og prosjekt

Ål kommune kan gi tilskot til prosjekt som har særskild verdi for Ål:

- Tilskipingar av teater, konsertar, utstillingar og andre kunst- og kulturformidlingstiltak*
- Tilskipingar av lokale kurs og konferansar innanfor kulturfeltet*
- Tilskot til dokumentasjon av kulturuttrykk med lokalhistorisk verdi gjennom produksjonar av bøker, musikkutgjevingar og andre media.

Søknaden må innehalde prosjektskildring, kostnadsoverslag og plan for finansiering. Tilskipingar skal vera ope for alle som måtte ynskje å delta.

Ved all annonsering skal det gå klart fram at tilskipinga/prosjektet er støtta av Ål kommune.

- Elektronisk søknadsskjema på nettsida til kommunen. Viss dette skjemaet ikkje er hensiktsmessig utforma for eigenarten av søknad, kan søker skriv eit ordinært brev.
- Søknadsfrist: 14 dagar før gjennomføring av eventuell tilstelling eller oppstart av prosjekt.
- Søknadene vert handsama og avgjort administrativt. Ål kommune står fritt til å delegere søknader til relevante råd/utval.

1.4 Arrangementsfond

Frivillige lag som har teke på seg større arrangement, landsomfattande årsmøte/stemne/mønstringar, etc, kan søkje om tilskot frå dette fondet. Retningslinjer for tilskot frå arrangementsfondet finst i strategisk næringsplan.

- Elektronisk søknadsskjema på nettsida til kommunen
- Søknadsfrist: 1. desember
- Søknader vert handsama og avgjort administrativt

1.5 Tilskot til rusførebyggjande tiltak

Kommunestyret har vedteke at overskotet frå skjenkeavgiftene i kommunen skal gå til førebyggjande edruskapsarbeid. Målgruppa skal primært vera barn og ungdom i Ål. Ein del av desse midlane går til prosjekt initiert av kommunen sjølv, men kommunen oppmodar frivillige lag og organisasjonar å søkje om tilskot til tiltak. Ramma for kva som er førebyggjande er ganske vid. Om tiltaka er direkte eller indirekte førebyggjande, kan dei vera like positive.

Kriteria nedanfor er såleis ei god rettesnor:

1. Tiltaket må vera i ein total rusfri samanheng.
 2. Midlane bør ikkje gå direkte til honorar, men kan gå til tilrettelegging av arrangement.
 3. Midlane bør ikkje gå til drift av lag, men kan gå til haldningsskapande prosjekt og aktivitetar.
 4. Tiltak som skal få tilskot bør vera innanfor Ål kommune, eller i regionen med Ål som deltakar i tiltaket.
- Søknadsskjema: Elektronisk søknadsskjema på nettsida til kommunen.
 - Søknadsfrist: 6 veker før gjennomføring av arrangementet eller oppstart av prosjekt.
 - Søknadene vert handsama av Ål ungdomsråd

1.6 Stipend til ungdom

Ål kommune v/kulturavdelinga deler ut eitt kulturstipend og eitt idrettsstipend årleg. Stipenda er på 10 000 kroner kvar. Målet er å premiere ungdom som lukkast med prestasjonar i sine aktivitetar, og på dette vis representerar lokalsamfunnet Ål på ein framifrå måte. Stipendet skal gje ungdomane inspirasjon og høve til å vidareutvikle seg innan sitt felt.

Kriteria for tildeling av stipend:

1. Stipendet skal gå til einskildpersonar eller/og grupper av personar som har bustadadresse i Ål
 2. Aldersgruppe: 15-24 år
 3. Den einskilde ungdom kan sjølv søkje om stipend og andre kan sende inn framlegg til kandidatar
 4. Det skal leverast ei grunngjeving med søknaden/framlegget
 5. Stipendet tildelast berre ein gong til same person.
- Søknadsfrist: 15. november
 - Søknadsskjema: ingen
 - Alle framlegg skal sendast til postmottak@aal.kommune.no
 - Kommunalsjef kultur skal drøfte dei ulike kandidatane med relevante fagmiljø (Ål idrettsråd, Ål musikkråd, utøvande/fagpersonar innan aktuelle felt)
 - Kommunalsjef kultur avgjer tildelinga, og delar ut prisen i eit kommunestyremøte eller ved passande anledning innan 31.12.
 - Det vert ikkje gjeve innsyn i sakshandsaming jf.offentlegheitslova §26 2.ledd

1.7 Kulturpris

Ål kommune deler ut kulturpris til ein person/gruppe som har gjort ein særskild innsats for kulturlivet i bygda. Alle som ynskjer det kan koma med grunngjevne framlegg til kandidatar. Vinnaren får 10 000 kroner og eit trykk.

Kriteria for tildeling av kulturpris:

1. Prisvinnaren må ha nær tilknytning til Ål sitt kulturliv
 2. Det skal leverast ei grunngjeving med nomineringa/framlegget
 3. Prismottakar må ha gjort ein (langvarig og) fortjenestefull innsats for kulturlivet i Ål. Dette bør vere ein innsats utover det som ligg i vedkommande sitt daglege virke eller stilling.
 4. Kulturprisen tildelast berre ein gong til same person.
 5. Kulturprisen kan også tildelast personar med eit kunstnarisk virke som oppnår nasjonal og internasjonal merksemd, og som har betydning for Ål som kulturkommune.
- Frist for nominering: 15. november
 - Alle framlegg skal sendast til postmottak@aal.kommune.no
 - Kommunalsjef kultur skal drøfte dei ulike kandidatane med relevante fagmiljø (Ål idrettsråd, Ål musikkråd, utøvande/fagpersonar innan aktuelle felt)
 - Kommunalsjef kultur avgjer tildelinga, og delar ut prisen i eit kommunestyremøte eller ved passende anledning innan 31.12.
 - Det vert ikkje gjeve innsyn i sakshandsaming jf.offentlegheitslova §26 2.ledd

2 MISBRUK

Dersom ein person, organisasjon eller institusjon bryt føresetnadene for tilskot etter desse retningslinene, kan vedkomande miste retten til tilskot i eitt eller fleire år. Ål kommune kan i etterkant av utbetalinga krevje å få sjå endeleg rekneskap og disponering av utbetalte tilskot.

3 KLAGEADGANG

Dersom ein søker ynskjer å klage på eit vedtak, kan det sendast ein klage med grunngjeving til postmottak@aal.kommune.no (merkast Kultursjef).

4 VEDLEGG

Retningslinjer for tildeling av tilskot frå følgande instansar ligg som vedlegg til desse retningslinene og kan bli funne på Ål kommune si nettside.

1. Ål Musikkråd
2. Ål Idrettsråd
3. Ål Ungdomsråd
4. Arrangementsfond